



康對山先生集卷之十三

五言律詩

普緣寺夜坐待月

夜宿普緣寺探杯聞妙詞兩君俱善賦一醉我何辭  
澗夕漁來晚山高月到遲上方鍾磬發瀟洒勝年時  
同諸君塔下看吳道子畫

塔下看名画天龍倏欲飛神工應獨契絕筆自通微  
靈護魚龍窟雲含巖負衣亦知經世代惆悵立餘暉  
答汝溫中丞承之大叅虞佐憲副三君子經予  
彭麓山房見懷之作

此地幽棲久非關物外心中丞仍有作畫省况遙臨  
偶爾歸城市何能報雅音幾時重握手坐詠碧山岑  
贈聶東之

兩宿華山下見君文采新聰明能應物豪爽豈同人  
更聽炒堂語益清煙市塵影影楊叔子宜爾獨為隣  
書懷

月弟皆英俊斯文應在茲如何背鄉邑安足慰支離  
冷蒹葭影吟乖棠棣詩憂來渾不寐安得使君知  
偶書

載謝明鏡今知白髮饒無能乘海鶴有分灌園苗

酒向籬邊醉風從柳外飄百年如一瞬朋故漸蕭蕭

寄介夫

酷暑與君別悠悠忽仲秋南山將問圃黃谷可臨流  
稻惜沙雞飯杯憐稚子謳遙聞多暇日好放戴逵舟  
郭以方鳳谷別業

羨君丹鳳質卜築鳳凰巖此谷無凡鳥前峯有巨杉  
泉濤落短壑竹杖引長鏡莫訝將鷄操朝陽待阿咸  
雲

無能消暑酷有意結陰愆萬里澹無色三秋黯自懸  
既難迴舜日不可障堯天望裏迷巖穴何時淨百川

聞警夜者

夜禁冬來密風塵雨後清樓頭傳鼓角原上極喧聲  
盜賊尋常事關防郡邑名早能輕賦歛何必畏孤城

夢伯循

此夜谿田子層樓與我同避人看寶劍貫酒坐長松  
笑語宛如昔文章新更雄晨簷有鳴鵲應過艸堂東  
聞用昭消息

已促華山騎猶憐小玉詞半句無鴈字何日到龍池  
節序羨榴燄風雲圭竇遲尚期歌白苧早為掣青絲

夢用昭

夏初饒曉睡夢到水西莊酌酒同調鶴乘風或據牀  
兩旬消息斷幾月去留長想見新豐旆搖搖向夕陽

邀虞卿

居人猶苦雨行客意何如奈可憂能老還須酒共除  
虛堂仍舊客小圃尚餘蔬擬作通宵飲無辭復過予  
三月初用昭見訪東齋小集同賦

青尊拔客醉深夜落燈花艷曲依絃好織腰逐舞斜  
風流思杜牧落魄愛劉叉尚有千壺綠醅醕不用賒  
東齋答張子

却憶遊山日山花開滿枝紅英俱爛熳綠萼未參差

歌向筵前度風從浙上吹十年纔爾爾老至亦堪悲  
再夢用昭

不作相思夢春來為子頻歡遊纔幾日傷別又經旬  
萬里關山道長年鹿豕隣應知詩卷裏漸比杜陵新  
雨中有懷呂大仲木

為別動如此相思空自傷遙憐孤鴈影常落五楸莊  
積雨音書滯經秋夢寐長豈無千石酒不可慰愁腸  
是夜對月遲明叔不至

可憐今夜月獨坐欲三更清影自不寐佳人空復情  
御盃呼稚子泛渚羨袁生乘興同誰賦孤城河漢橫

十八與長州叔宴後還內有感步月仍疊前韻  
定遠昧前筭嵇康非養身百年同一敝千歲復何人  
有酒應拚醉逢歡莫厭頻夜闌明月上感慨意彌新

文彥彬過予

訪戴嗟予懶衝泥羨尔行漾波千嶂黑涵照一庭明  
颯颯頻催夢鏘鏘屢著聲愁來厭杯酌喚婦煮香秬

命妓

命妓同君飲能歌豈必多但令開逸思莫問夜如何  
八表歸堯曆千秋息漢戈新來有佳釀不厭數相過  
明叔晚至許西適大雨如注予無雨具不得奉

陪寄此二詩

大地長昏雨，旻天無寸青。側聞臨華戶，安得候虛庭。  
世態悲飄瓦，人生類泛萍。蛩聲復淒切，今夕若為聽。

其二

早起扳高駕，遙遙立泝東。客來仍急雨，夜去復迴風。  
館穀無兼味，逢迎賴小童。不堪心緒惡，愁極轉怱怱。

二十三日夜同明叔東齋小酌二首

永夜復鳴雨，與君惟短吟。孤燈照無寐，新月望猶沉。  
離菊猶堪折，園蔬太不禁。秋郊禾黍盡，轉使百憂深。

其二

薄酒聊斟酌，因君暫息愁。他時歎離索，此夕且淹留。  
萬石陶家粟，千金相國裘。不堪人事惡，悵望朔雲浮。

問粹卿

笑問蔣夫子，何時入始平。秋霖尚如此，羸馬若為行。  
禾黍心俱變，閭閻力已傾。平生不灑淚，慟哭為蒼生。

八月二十四日雪東明叔二首

積雨更成雪，玄冥稔素秋。已諳有生苦，詎識無衣愁。  
使轆復旁午，丁夫盡逐流。報言振纓者，暫為此人留。

其二

天雨苦不止，官程何太忙。郊原漫若海，冰雪積如岡。

願惜丁夫苦休云道跡妨諸公亦人子念念莫相忘  
別明叔三首

握手未云極分携良苦心遙令遞杯酌何及弄鳴琴  
愁緒雨中斷美人天上臨平生離別恨今夜更還深  
其二

睇比檻中菊歲筵行著花本期同作賦何意復鳴笳  
虹啣涯東水雲開嶺北霞習知天欲霽喑喑聽飛鴉  
其三

累日開書卷同君坐艸堂可憐今夕興不似夜來長  
歸去非遲莫詩成覺慘傷何當生羽翰時過白雲房

夜坐憶南川五首

極目滄西亭秋深山更青驚風林葉墮帶露野花馨  
何處拚高興吾家聚德星新詩饒卷帙端合老夫聽

其二

華髮當明鏡紛紛非昔年慚無同輩客聊有夕陽川  
往事真徒爾當歌或泛然所親俱落寞群弟幸多賢  
其三

黯淡天初霽尖風巧送寒春令頃急難風雨太無端  
目斷巴渝月心驚岷漢湍歸來羨無限不是薄微官  
其四

丈夫輕萬石况此一官微  
萋菲既時命風流從俗譏  
自能崇雅操幸不殢輕肥  
便作還耕計應知世所稀  
其五

日日東齋坐思君君不來  
艱難憂積雨徒倚望層臺  
世道須英物林間愛濁杯  
與渠常學醉何必步兵才  
喜虞佐過二首

不覩唐夫子勞勞又復秋  
丁寬原少儷劉向自難儔  
對月懷高論臨風想勝遊  
輜車何日到日斷滸西丘  
其二

教法久傾廢惟君得坦塗  
向來中夏試真是數年無

駕馭非吾道逢迎笑腐儒  
早聞溟海論直欲媿潛夫

寄伯循

近聞開講席綿蕞授諸生  
古道慚章句時聞何重輕  
致知原有法格物本緣精  
今日章縫士勞勞唯釀名  
醉書示臬等二首

日日醉如泥臨池自索題  
百年今已半九日賞應齊  
玉粟晨猶密金蕤夜復低  
何當乘鶴去高臥鹿門西  
其二

弱冠已希隱中年欣謫居  
未能遵五典聊可續三餘  
靜愛希夷榻閒臨逸少書  
所懷真不忝俯仰益舒徐



採藥

採藥南山下因過北渚邊  
偶宜盤谷杖何必岳陽船  
靈灼安期訣丹霞王屋天  
不須跨笙鶴便是子喬仙

送客

郵亭黃葉下遊子暮何之  
龍劍慵開匣煙蓑常挂籬  
風雲千古意揮闔萬年思  
何日歸王屋逢人托素辭

哭劉漢英

憶昔同遊日惟君有素心  
行多長者意動合古人襟  
歛翼趨川邑思歸返漢岑  
九原先不作令我惜知音

郊行

霽野空山翠晴溪細水橫  
艸花初見濕香霧乍看輕  
茅屋人過少危巒鳥入驚  
遙遙太白峽真可學無生

暮歸

泝上人歸晚深秋花木稠  
蒼苔侵館閣綠柳暗城樓  
禾黍村村急人家日白憂  
入門燈火夜獨坐不勝愁

聽歌

夜坐靜無寐聞歌心更清  
山林客我醉廊廟任誰醒  
且度梁州曲聊從洛社盟  
二毛催暮色於汝特關情

寄敬夫

往日終南下無能罄宿歡  
泊還西堂後益重北風歎

人事自旁午君心莫棄拚空思華陽吹已似石門彈  
鳴岐宅集

訪舊過華邑傳杯列夜筵良宵吾欲醉佳節汝當憐  
小妓歌金縷奚奴拂綵箋明知鳳泉下疑是洛陽川  
夜坐聞歌

靜夜聽歌聲絃危調轉清寒泉晴瀑玉春柳晚啼鶯  
宛轉傷予意悠揚感客情白頭誰料理聊且慰愁生

戲北山子三首

掌上莫須飛庭前謝舞衣君勝先已結妾意竟何歸  
山作當筵燭休為去婦機辛酸君自識姑勿問容暉

其二

少小畫蛾眉君心知不知承歡開錦帳拜月問佳期  
莫以韋娘妬空含越女悲薄言如可薦不敢辱恩私

其三

一自當君夕芳心更不移欲調秦女瑟恐負晉娥詩  
帶喜鴛鴦刺心嫌鶯燕窺憂來尋碧艸沾臆淚如絲

望乾陵

乾陵直北是遙望逼天齊開物羨群策危邦傷艷妻  
履霜懷昔戒遵祖豈今迷千古經遊客空餘感慨題  
經秦莊襄王墓

碧艸秦王塚青藜吏部莊  
霸圖潛易呂水德竟終襄  
松閣春吟好花闌晝倚長  
古今同一盡遮莫負年芳  
過愛松宅看花

別院好花枝移尊看舞衣  
彩雲聲不斷紅拂對偏宜  
倚檻迷新瓣侵階落舊  
豨春來終日醉不數習家池

到家示南川

遊山君亦倦探勝我猶狂  
祇欲從吾意焉能似俗忙  
阮生非避蔣繆襲已慚楊  
城北園亭好嘉期幸莫忘

渡渭

秋波仍未闊上地雨湏稀  
鳥自雙崦度人從二曲歸

野僧空戀客蒸露已沾衣  
頗憶東厓險慙無鶴背飛

懷李二獻吉

李生當代傑文賦似班揚  
有志摧奸究無能立廟廊  
影零依汴水落魄問衡陽  
空抱靈均意誰人草薦章  
再讀羨陂之作

此曲今希有予歌怪底長  
直堪追雅頌不但覩文章  
水調慙蘇子魚殮笑孟嘗  
勞勞塵坱客誰識老夫狂  
夜入旅次

巖城初夜入一片角聲傳  
歸蹄晴逾滑飛雲濕自懸  
中堂無四壁右序有三椽  
何似揚雲宅蕭條演太玄

別女

欲去百愁生嗟予別汝行肝腸千折痛荼苦一身丁  
徒有關心淚誰為切骨情所期嚴節物聊以慰吞聲  
贈無涯子二首

為別忽如此相逢今若何且沽桑落酒休唱郢中歌  
白髮經春變衰顏倚醉醅歎君風力好籍籍動關河  
其二

逐客三年臥幽人萬里心世方同日月吾敢薄山林  
大義猶飛動虛名故陸沉聞成兩都賦傳示莫因尋  
雨霽望少華山簡公望

孤坐艸堂靜雨晴山更佳曉烟開嶽麓夕日照泉涯  
疊嶂皆疑翠連峯盡放霞使君高興發誰與泛靈槎  
贈歌湖子

繫自華山發龍池興不窮豈惟觀妙句尚欲醉高叢  
大藥終期熟靈筌半已通幾時重握手遊眺極空同  
說經臺

曉轡衝雲上天香滿路聞五年三眺此百歲幾同君  
玉峒風烟渺丹臺羽節分憑高無限意何用北山文  
普緣寺塔下

拂石看名題探杯坐碧溪岩花嬌欲發山鳥聒爭啼

樵徑穿雲入危樓倚巘齊若非歸騎但直過象峯西  
華陰道中望嶽見南岡使

東行經華嶽拂霧望危峯斜日明巖雪微陰薄澗松  
隔年情尚繫今夕興空濃不意南岡使遙遙又此逢  
嶺底鋪

西崦夕日下始達太行陰才喜羊腸盡仍愁蜃壑深  
愛竒情半慊愴昔意逾深回首函關道鄉心太不禁

桃花洞同呂子暨蘇解州三王上舍立舉人集  
二月二十五日也

客至桃花洞桃花半已飛感時方命駕乘興忽忘歸

引水臨花塢看漁坐石磯不知人代裏何事苦依違

靜林寺同呂子及正立四子集

蘭若倚天開晴山萬壑迴我來拚一醉共子坐層臺  
鶯燕窺歌吹風煙拂艸萊即非王子晉瀟灑亦雄哉

王官谷簡正立四子

聞道王官谷林巒足勝遊偶然同一覽真已陋三洲  
天柱風烟斷仙源日月浮重來詠磐谷應是待高秋

答客

用舍非人意行藏吾道存生成俱是德放逐詎非恩  
屈子懷沙賦淮南招隱文明時無棄客莫帶敬亭雲

平生

平生期畝畝及壯入烟霞難繼達人履聊依處士家  
虛名同逝水薄宦等搏沙事業群英在何勞放海槎  
南川自整屋歸以詩問之

尔向南山返予方華岳歸勝遊俱不忝幽興未全違  
雲裏仙人館沙邊漁父磯此行如有作好為老夫揮  
再經德充園林

前日追遊地佳期予復來道經玄宴圃思逸碧雲臺  
蕤薈方擎雨林阜未試雷詎能遊五嶽且自擲千杯  
園亭夜歸聞諸君餘興不已謾成

夾路鳴珪聒藍輿及夜歸仰天欣見月浥露畏沾衣  
首夏園林好良霄燕賞稀諸君高興發若可遲朝暉  
送侯應乾還山居

送尔還山去匆匆未盡歡大都為學好莫謂濟時難  
隱見非人意從違任自安鹿門芳艸綠休薄鷓鴣冠  
贈別德敷參戎往肅州

君向瑜關去秋風待鷓飛白鞮清部落青海豎旌旂  
貢賦從來久隄防近事微班超亦男子莫使寸心違  
贈惟裕二首

一自京華別匆匆十七年相逢頭似雪坐論思如泉

笑我山林僻羨君廊廟賢西巡有民瘼或可一安全  
其二

春來仍苦旱萬室鬱如焚不意隨車雨潛通伏岫雲  
閭閻回氣色丹木動芳芬尚欲聞餘論東堂夕待君  
八月三日雨至初六猶雨因緘南川

雨中連日滯頗覺見君難定有秋懷作應留午坐看  
芙蓉新自好菡萏久仍殘巖洞西南澗同誰聽激湍

八月五日夜坐

秋雨夜逾急燒燈聊自吟階蛩聲不斷簷籟氣仍侵  
無寐誰傳酌多情獨撫琴歲時奄忽裡回首見蕭森

贈甘公才還內江

問弟來仙郡探竒眺畢原行吟非效屈高臥謾同袁  
此日三巴踞何時五柳軒朔風催去馬好盡白雲尊

送呂九川

濟西一尊酒送子赴滇南地與蠶叢接山當桂口丞  
平生金馬賦此日玉門談佇立看恢闡秋深待北驂

寄題西軒

賢王開邸舍日日對琴書客有鄒枚榻門餘黃綺車  
朝暉明別殿夕照護文除者取優游興東平更不如

對山集卷之十三

康對山先生集卷之十四

五言律詩

元宵與德一夜話

今夕值三五嗟予年已長無能遂良觀空自坐虛堂  
世論紛紛異閒情日日忘中春俗事畢南去覓雲房  
十九南川携酒見過

天心或如此吾意徒憂傷酌酒情逾好吟詩興自長  
伯陽原習靜夷甫故成狂行樂從今始同君日萬觴

三日遇雨

南眺杏花塢詎令微雨妨烟亭空有色霧壁謾浮香



芝山集卷之十  
枝迥玻璃濕，豨歆琥珀光。隔年期此醉，風雨莫深狂。  
符氏崖峒小酌

勝地宜攀賞，重來興益長。巖花當座落，徑草隔籬芳。  
皂蓋乘春出，青尊及晚香。君非彭澤宰，何事滯柴桑。  
及符氏泝園觀望

極目花如繡，當筵酒似油。共來佳麗地，始識林塘幽。  
露徑穿芳艸，河洲狎野鷗。丹霞崦外出，何羨武陵遊。  
送許廷美方伯赴浙

子向弘農去，何時到越城。萱闈春自未，墳館和仍清。  
兩載巴渝踞，三朝廊廟情。憑君看寶劍，好為靜挽槍。

贈趙惟誠二首 惟誠名敕，內江先生子也。

紫予方弱冠，委質事尊翁。愚以詩書啓，非將禮樂攻。  
依歸逾二紀，感激切孤衷。見汝雲霄上，依然有父風。  
其二

少小憐瓌異，風標壯愈成。豈惟吟五字，倏見出群英。  
談吐皆豪論，周旋切素情。行藏須長厚，遮莫似諸生。  
出東原

端居嘆逝景，節序忽清明。暫作晴原眺，兼聆春鳥鳴。  
松楸滋世澤，禮樂發休聲。述德今吾事，傳家賴晚生。  
答德克

汝遂還山願應知慰我私開軒同看月對酒共持觴  
欲擬梅花賦先呈棣萼詩詎言畢吾志形迹愧昌時  
送丁原德往河南二首

之子憐同調別予來竹溪義深石大傳情重度安西  
遺愛關南誦高名北斗題素心常不染真與古人齊  
其二

客向河南去臨岐意惘然春風催去鷁和氣表新年  
綠鬢今俱變青尊好共延漸臺如有賦莫惜玉華箋  
寄李仲南

開緘觀珍翰高義欲凌空秀奪乾坤秘才當秦晉雄  
清秋過不謬高會約還同倘並張平子令予見古風  
贈端侍御還京二首

服義應吾道探玄坐不辭神交何用昔頴脫在逢時  
遺惠千夫口清風五字詩臨岐意無限不是愛君私  
其二

此日關河事封章定幾篇豈惟凋敝極直與死生連  
幸覩安危論如窺寥泯天丈夫千古意好為世人傳  
答熊子修侍御

共坐草堂下清歌鳴綠絃百年身易老千古事空憐  
命子沾春酒同君眺遠天便無雙鶴舞亦是地行仙

宿聖壽寺有懷子猷

野徑通蘭若新詩凌庾卿長槐千樹直斜月半窓明  
緩步人俱寂微吟鳥不驚何當同坐此聊復慰閒情  
九日懷王大敬夫

秋深與子別此日又重陽目斷終南曲心懸衍慶堂  
芳園松桂碧艸閣艾蕭黃不得同君語空回九曲腸  
賞花遇雨

好雨及花時花開雨若滋翻風分朶朶映水故枝枝  
膩蕊歌朱露天香點綠蕤花神須有意痛飲莫相疑  
二十五日時濟法曹明叔蓋屋二公見訪雖賦

恥極周一旦解携悵惘何限因賦小詩見懷

美人相續去獨我坐空林笑語幾時再相思今更深  
遙遙大微坂寂寂武陵陰不見同懷者誰知塵外心  
許西山房同東谷夜坐七首

今夕復何夕高人過澣西笑予垂露翼憐子蹶霜蹄  
宿雨波濤激空林煙霧低不堪君欲去含恨托詩題  
其二

雲開月半蒼積晦匿朱陽誰復思民瘼人皆炫色莊  
妖氛千里闇禾黍萬家傷君若還京邑煩將達 聖主  
其三

踈嬾賴君知非才棄盛時已看齒半落莫問髮全絲  
溷跡樵漁社潛身雁鷺池若求真偽辨唯幸蓋棺遲

其四

君昔宦海瀆清修幸早聞氣凌吳太傅詩似鮑參軍  
萬仞龍潭水三秋華嶽雲壯懷全不忝安用惜微醺

其五

秋老橘初黃鷄肥酒復香已拚成酩酊且莫問行藏  
車馬辭山邑旌旂指太行平生持正論詎肯信灾祥

其六

三年滯雍州此去復當秋宦况悲燕市歸心折庾樓

抱奇羞魯割濟溺賴商舟莫似長桑子勞勞臥一丘

其七

此去承明殿風霜屬豸冠務令豺虎避休遣鶴鷄寒  
遠道還休問深杯且共歡倘來逢驛使先與寄平安

九日同長洲叔及諸弟許西登高二首

許西晴自好况復酒筵開微醉聽衰壑長歌坐曲臺  
三秋愁欲盡九日喜還來興劇催歌舞同期酩酊迴

其二

諸弟俱英物名園復絕倫都能吟五字何止冠千人  
明爽真無敵風流似有神醉掃扶杖履情意轉堪親

同王尊師過許西

避人棲此地庭檻盡宜花豈意停仙駕同來翫物華  
芳菲回首歇氣骨逐年差徒羨長生法蓬萊詎有涯

醉後

花前坐綠莎微吟復放歌三春行欲暮一醉莫辭多  
白髮賓朋盡青雲鷹隼多亦知慚角里且共學唐佗  
亭上作呈客

雨過夕陽下幽亭風色清辟公皆發興野客正含情  
翠篠當軒茂蒼苔匝砌生直南瞻太白不醉若為情  
八月十八日雨後過艸堂二首

秋來總一雨雨後漸涼生我坐草堂下憐茲山水清  
嘯歌看柳泝徒倚過松坪但得灌園四趣何勞處士名

其二

繫自中秋到何曾見月華濃陰蔽霄漢積雨損桑麻  
夕霽標林影晨興及水涯柳邊清意發若坐列仙家  
答太微夜坐之作

良晤寧辭飲君才近所稀乞將春後興好向坐間揮  
小院風生竹閒庭月到扉都能觸吟思豈可詎言歸  
許西賞花杏花亭小坐

不作中林宴匆匆已二年堦低殘艸上花密野藤牽

樂處移歌席歡時辦舞筵  
杯來若辭醉應負酒如泉  
謁后稷祠

翠栢籠香殿蒼雲蔭石苔  
春深迷古砌日夕暗層臺  
文德通時夏蒸嘗尚有邠  
萬年瞻廟貌茅土亦悠哉  
謁唐太宗皇帝祠堂

宇宙思真主乾坤屬盛唐  
發祥遙類禹戡亂遠承湯  
日表千年頌龍章百世光  
故鄉餘廟宇伏臘見馨香  
次韻襄陽潤南即事

深秋動成恨遣興過田園  
木落驚林曠川迴聞瀨喧  
結茅編小榻負日坐空軒  
嬾誦封書藁呼僮課五言

谷口亂石小坐

此石何年墮疑從太始來  
崢嶸礙雲日犄角似樓臺  
定徒蛟龍窟非嚴虎豹垓  
山濤驚客枕夜夜若風雷

呈北山

賈得一壺春幽齋醉旅人  
既能麾藥物即可悅心神  
僮子青精飯徵君烏角巾  
看君逸興發不羨李栖筠  
立春日臨鏡戲成三首

十年再臨鏡兩鬢素霜盈  
不意神光側依稀玄黓生  
災祥空衍兆倚伏竟難明  
吾豈長沙相傷心有賦成

其二

昔遇王公濟言予骨相窮官當六品上筭約五旬終  
生死須人理窮通係化工果能返元始吾意益從容  
其三

舊識參同事頻年未得謀乘除原有數喪亂實吾憂  
所遣渾如此遙思豈自由引杯忽成醉冲抱隘三洲  
八月十四日往許西遊覽

中秋喜新霽予來幽思深誰將三釜意慰此百年心  
撫杖憐孤影開簾見遠岑直須沾一醉高卧聽蛩吟  
馬嵬道中逢許由之

子向岷山去予為華嶽行相逢歎岐路微語見平生  
秋色霽方好夕雲風乍輕無能共延佇落落媿予情  
渭南邸舍夢亡妻二首

死別已十載夢魂才一逢尚能携胤子仍與慰衰容  
有恨何曾斷無由詎可從九華吾果就挈汝躡仙蹤  
其二

老境忽如此後圖當與誰空將萬行淚灑作一生悲  
宗祧雖先訓生成實命為躡躑不能寐微月上宵帷  
榕兒豆痊

有兒新出痘及醫幸無虞全藉神明力聊為衰老娛  
悟玄非向秀殖產愧陶朱更得看婚娶吾生何復拘

送劉遠夫往蜀

君向巴州去何時入劍門  
隴雲低拂旆秦雨細當軒  
馬首空相望秋初幸討賊  
關河凋弊久黎庶憶劉琨  
十三日同雲夢南王漳川及二甥於沂東集  
緝園乘雨霽散步玩溪涓  
何事烟波叟常為禮法縈  
岩花幽自發林鳥靜爭鳴  
坐有長沙客新詩若可成

送尹長史

送君雍原上春色最  
且人握手意難盡  
還家興轉新地官仍偃蹇  
王傳屈經綸可似峨眉下  
消遙折角巾

贈馮文旭秀才

君豈馮唐後承恩亦暮年  
草堂題處士烏帽仰神仙  
桃李門墻麗桑榆杖履便  
著書如有暇局與過談玄

積雨

積雨春林杳看花興已闌  
空將貰酒意竟作抱株歎  
處士薔薇座先生首宿盤  
從違味前筭大笑鹿皮冠

李臨泚祠

佐郡自何年金城祠祀虔  
清風當日誦美政此時傳  
柱史碑同愈詩人記類遷  
令孫見遺德臺表獨稱賢  
西岩石室與李侍御飲



相對西巖下初秋暑尚繁孤貞時共棄幽操竟誰原  
感子累相問嗟予乏可言竒才當聖世幸以慰元元  
戊戌除夕

除夕傳椒酒呼童舞柘枝孤懷久愈白雙鬢近尤絲  
座有知兒戲門無櫪馬嘶衰殘須自愛遮莫似年時  
春日贈劉嵩陽二首

忽聞嘉客至載酒遲春郊社鼓川原合中車遠近交  
岸容回淑氣柳色動寒稍即此堪行樂何須火室坳  
其二

洛下文章士年來訪隱居側聞光義久幸覩笑談初

邂逅誠非晚追隨良有餘丈夫康濟事不可愛吾

送鳴岐

季夏君趨蜀相看手重携一尊石室下萬里峽天西  
官舍連威茂郊廛雜象犀諸生有司馬丞與寄封題

別南溪

友道新逾廢奚容一眦微韋弦嗟子去唯諾歎人非  
有論應韜櫝無媒獨擁扉秋深澄夕霽吟覽思依依

送周愚齋

華山聞子至中道忽相違綉嶺君西去交河予北歸  
才華雄楚甸光采照秦畿倘有浯溪訪何妨夜典衣

臨潼逢芹山笑齋

又作臨潼會風沙欲語難可憐當砌月不似在臺看  
跋涉侵衰憊回翔柰羽翰空將斗酒意何計報任安

送呂幼誠

冬日長安道匆匆喜見君鳳毛原有彩虎革自生文  
雪凍長河水風開華嶽雲此時君北上不可惜離群

夜坐

坐久吟成劇燈花墜復重紫團烹雀茗香玉煮雲春  
刻燭教兒賦更題且自封始知杜陵老無日不從容

十四日夜谿田涇野至對月有感二首

令節仍高興慙慙二老過蟾光如有意亦向座中皤  
未暇論心事先呼酌叵羅通宵歡不寐言笑轉婆娑

其二

此約先年訂深愁風雨妨積陰當夕歛佳興共秋長  
壯志冲牛斗長歌叶鳳凰關中餘數老垂白未參商

五言排律

送馮二時宜丈還鄉

十載皇飛動年來猶寂寥文章能自誤義氣竟誰超  
生計餘風雪窮途益悴憔故書行不置重榜久還凋  
夜飽三庖飯晨看七貴鑣飛騰慙化日偃蹇愧昌朝

抱霧春當發，舉雲晚更翹。兒寬終帶印，貢禹已聯貂。  
後節如能礪，前程自合遙。臨風看行李，短鬢益蕭蕭。

送澄甫

秋色溼京邑，佳人萬里歸。浩歌今夕共，鄉約寸心違。  
同薦憐君後，先登笑我非。才如蘇季子，句擬謝玄暉。  
蘭省春風失，天涯夜語稀。功名終屬謝，軻坎暫同韋。  
鳳羽晴霄濶，鴻飛露渚微。楚丘看渭水，灞岸問秦圻。  
踈渺悲餘事，家貧典故衣。願君重努力，好以報庭闈。

送蘇明府天秀赴榆次

此日人同醉，憐君却獨醒。神鳥飛曙海，丹鳳翮青冥。

氣象俱恢拓，才華况寧馨。詩篇窺杜甫，標格詫嚴青。  
邂逅長安市，追隨大宛亭。文章俱可誦，議論總堪聆。  
且喜趨陪早，仍沾禮數縵。薄書日勞大邑，陶冶發天型。  
解錯施餘力，烹鮮歎獨經。地為唐帝國，治越魯侯庭。  
政貴全三善，仁須慰萬靈。直當蘇困憊，不可狎龐龐。  
理劇輕推轂，剗煩易建旌。長亭聊駐馬，別渚送揚舲。  
餞酒沾燕肆，離歌徹鷺汀。逢迎今夕盡，想像後時專。  
每笑秦雞伏，寧聞朱犬寧。千夫奔道側，萬室望郊坰。  
地俗連朝邑，王風閱井陘。知君有奇抱，端可報明廷。

秋興

山翠忽如此乃知積雨餘微烟當砌濕涼月度窓虛  
好客趨承倦投簪禮法踈眺原無遠駕習靜得方書但  
取杯中酒聊同津上漁微醺歌白石落拓復誰如

得涇野書兼聞君錫云留都士類尊承之盛感  
而賦此

睽別今三載相思浮九秋偶承書札寄益重草萊憂  
知己飄零盡同心汗漫求蘇門唯獨嘯彭麓未羣謳  
夢寐空相及追隨詎有由所欣人事好更喜客懷優  
踐履原非偽從違亦有由扶搖看鳳翥消灑羨龍游  
昔去方懷憤新來亦笑休乃知修已樂豈似鈞名羞

傳習爭相授西銘弃未收世情尊怪異吾道益沉浮  
朱紫色難辨薰蕕氣不投可能恒覲李尚尔日懷劉  
禮樂新方振疲聾漸亦瘳請纓慚壯志投筆異前儔  
丹灶朱將伏烟霞清可留行當揖人世與子玩羅浮  
送謝給事左遷雲南典史

遠謫滇南去知君報主心 聖恩原自潤天道實難  
忱酷暑陳倉道清秋鶴慶林和熊先已慰鞞棣殆同  
音唐介還徵對千秋亦賜金虎頭煩自重莫羨宓生  
琴

十四日得舍弟德充消息

此日嘉州使傳聲謂汝來道遙將兩月凝望倏千回  
浪指寧羗信空營駐馬杯笑言今始得懷抱遠同開  
李愿非俗客岑參本絕身月明巫峽賦端合為君裁  
奉壽東原老先生

間氣扶鴻化昌時得鉅儒我師關輔宏高義古今渝  
執禮欽程伯言文陋董狐數竒場屋蹇道在性情孚  
未薄常州幕何慚楚澤虞居貧餘豈弟望重極樞趨  
桃李乘春徧芝蘭接歲殊素心原不染美玉詎求沽  
遲日明仙館靈光拂壽圖願滄千載藥與世作規模

寄仲木

不見呂夫子三秋倍惘然陶潛杯搃廢徐孺榻空懸  
景邁音逾滯情幽帛未傳曩聞停藥裹今覩富詩篇  
賈誼哀湘水楊雄上太玄群趨方緬緬孤操益蠲蠲  
道以无思泰才因倚俗偏聖狂同偃蹇條貫異純全  
中尉歸何早司空晤不延憐君滯江國何日是歸年

寄佩玉

與子長安別相思直至今埋輪知孤操持斧見雄心  
愧我踈慵客感君金石音看雲尋碧草習靜卧蒼林  
竟欲徵王粲予當詣漢陰

送王伯聲

凋敝關河劇調亭得異才渥澤方被物重職已遷台  
西楚陽春至中天正氣開旬宜歸且奠翰墨陋鄒枚  
不反河梁餞空思使旆迴范公終建節謝傳亦登臺  
聖主元元慮微公孰與開

對山集卷之十四

康對山先生集卷之十五

六言律詩

與歌湖子過龍潭小坐西望見東谷子方從

道馳下

幸覩龍潭新漲即看驄馬西來佳地豈宜獨賞好懷  
今擬同開歲月去如流駛登臨何似含杯若待辛夷  
花發應憐飛鳥難回

北山庭內望月二首

倚杖閒看明月傳杯漫拂瑤箏檻底風光乍好階前  
咲語忽驚別院晚梅盡發天涯芳草初生往古豪華

如幻方來歲月休輕

其二

昔宦同朝御几今歸共隱雲山人海繁華易歇虞淵  
斜日難振幸得新來俱健更于莫節微閒一咲宛非  
前度石壺聊慰衰顏

靈口西堡望見驪山

行次零口西堡原崦忽見驪山赤日黃塵天際蒼山  
碧樹雲間春暮芳花未覩雨餘濁浪猶潏太息獨思  
往事微吟且慰衰顏

普緣觀眺次仲默

地僻柳條初綻春深小桃未花草房凹口雲散蕎麥  
山頭日斜傍壑數椽僧舍隔谿幾處人家龍窟茫茫  
俱水蒼烟裊裊無涯

七言律詩

寄李承裕二首

諸葛辛勤無了日三邊凋弊欲何之頃聞洗滌皆殊  
昔頗謂驍騰亦盛茲社稷有靈終伏虜英雄當事必  
匡時金滕玉櫝雖人意婦織夫耕獨我思

三春數枉故人書厚德年來欲報踈幸有知音堪問  
訊誰能感事不躊躇西亭素壁愁經眼北地安危切

繫予稍待昇平無別警東岡休負草堂居

寄李孟弼

憶昔交遊子最親如今蕭瑟有誰鄰尺書未盡腸千折一別那堪歲十春用舍豈關丈夫事雌黃休念小兒嗔即看皓齒清歌者可是金閨玉署人

獨坐

梓里逍遙又一年風光何處不堪憐山禽應谷聲逾碎露菊侵堦影自圓策杖有時臨碧水移床終日卧蒼煙斜陽牧笛從吾意漉酒呼隣興灑然

秋意

座裏秋風絕可人回思炎溽尚傷神且看曉色清如洗轉覺寒光翠欲勻松下有時雙鶴舞溪邊無數白鷗馴便須酌酒酬心事莫謾支吾愧此辰

聞王大敬夫將至

城頭日落雲氣開偶聞故人騎馬來論心酌酒還今夕漫興看山定幾回身事悠悠已堪笑岐路茫茫何必哀我已長歌太白峽世態炎涼奚有哉

行次渭原里遇雨

日中行次渭原里細雨斜風故故來已幸未迷太白峽何愁不冷空翠臺舟人蕩槳順流去估客驅車衝



泥迴咫尺終南休造次魚龍窟穴莫深猜

九日晡聞禹學將至

相逢細論公家事此意蕭條欲語稀五世尚能酬素志此生何敢忘形惟英雄屈指惟公是豪爽於人似我非明日欲行行更好邊夫無數望旌旂

王女洞

當年鶴背誰同去此洞空留王女名勝迹我來徒極目高峯雲去正含情千秋不改龍潭色午夜猶聞玉佩聲惆悵夕陽歸去晚滿溪春浪鬱琮瑋

從仙遊行入黑水谷五里草房凹

谷口尋源入漸深回巒相<sub>地</sub>收晝陰陰嶼禽掠水應愁下野鶴穿雲太不禁暝接<sub>以</sub>早房烟漠漠樹當岩岫綠森森重遊始得名山趣老去翻慚少日心

華州張子梅花亭小酌二首

梅花亭上午陰涼芍藥欄邊春晝長霧髮雲鬟望處好羅衣金鈿坐來香嬌歌欲遣征鴻下妙舞空疑乳燕狂咲殺西溪能愛客滿缸常釀鬱金漿

羸馬東趨少華山小亭新構白雲間茗溪日麗人猶醉碧樹陰濃鳥自閑漫興詩成天欲曙壯遊心老鬢仍斑東峯聞有登臨客渺渺仙蹤若可攀

留別太微

養生無狀病經旬藥裹扶吾更有身明日將歸休恨  
別他時再見却相親嵇康枉作形神論魏野終非翰  
墨臣早晚南山雲氣發請君天際望綸巾

送馬公濟

此日西堂感汝來前年曾憶入金臺含杯不醉真堪  
笑對月無題亦可駭隴右幾人稱鉅臂囊中多難必  
殊才春風躍馬休閒耽早向龍荒靖虎豹

答用昭德光

年來唯與白鷗群春暮誰知兩見君幸有青尊須縱

飲况當明月更論文山房窈窕穠花發水閣迂迴芳  
草芬長句短吟俱大雅朱輪花轂亦浮雲

悼于鵬亡妾

素心不逐彩雲飛香夢空將翠筆違白紵定裁天上  
曲青鸞應伴月中歸此時洛賦悲羅襪何日湘絃拂  
蕙幃荒草孤墳埋玉處夕陽西望苦依依

雨中柬王二拱之二首

暑天不雨秋天雨禾黍纒蘇生意傷百室嗷嗷爨薪  
絕千壑洶洶波濤狂龍師自欲乘雲氣真宰何時見  
日光問訊西臺王給事可能蕭散賦滄浪

積雨已增居者憂客心當此若為愁中宵滴瀝何須  
爾累日淹留豈自由獨有酒杯堪漫興况無公事惱  
清遊行當跨蹇携家釀且莫驚秋憶釣舟

十六夜次韻

不見清輝又隔年人生能得幾回圓登樓漫落千山  
雨憶弟空瞻萬里天欲遣倦懷須貰酒為酬佳節強  
登筵亦知潦倒為吾事燭影歌聲入夜偏

憶昔

憶昔承明侍從朝先皇端拱似神堯萬家簫鼓傳雙  
闕三殿風雲護九韶劍佩緩歸青瑣遠蠻夷通款越

裳遙可憐湖上龍飛後人事官曹漸寂寥

破悶

前年置酒陟唐山兄弟無虞季父閒千里晴原饒極  
目兩川秋色競開顏於今遠運仍多故何日逍遙得  
好攀積雨轉狂懷轉惡徘徊空望白雲關

二十二日喜雨

經春無雨衆農憂入社看雲銷客愁織貢已悲秦父  
老調停爭望漢王侯西疇沾足殊天意上苑逍遙洽  
帝遊聞道長鄉能作賦應將黍稌頌成周

涇西村見野老邀食

堂山集卷之五  
野老支筇咲問予桃花飛處即吾廬尚思漉酒呼村  
妓可暫偷閑駐小車指點杯盤無別饌坐談筐篋有  
農書雙顴豁磊衣衫古爾雅安閑我不如

過渭川草堂

渭川草堂清渭濱無數好花開暮春小牕不受風雨  
逼爛醉豈憂兒女嗔數椽自可藉踈谿百畝誰曾辭  
賤貧憑君分我萬竿竹令我因之東卜鄰

看山草堂同聶別駕東之小集

去年首夏及君歡今日春深興未闌瀟洒自宜稱吏  
隱奔馳何必戴儒冠詩篇老去因情得花鳥新來趣

意看多少舊遊俱不見如相逢一咲古來難

薦福寺答隆吉汝公孟獨三君子宴集

東歸暫宿支公舍車馬翩然問我來上剎杯盤隨爾  
出祇林風物為予開彈碁已盡三龍興草賦還慚兩  
謝才寶塔憑君凌絕頂試將空闊望蓬萊

薦福寺將發值歎湖太微二子來餞

禪堂晨起喜清幽野客西歸興不休二妙過予應恨  
別一時見爾足消憂林花掩映香臺落旭景霏微寶  
殿浮自古城南名勝地何時極意徧追遊

駝峯絕頂眺望

在岐山

駝峯孤眺鬱嵯峨自覺西來樂事多千折笑看洪水  
細雙巖不見白雲過周公禮樂空遺廟謝傅風流有  
浩歌太白南瞻真咫尺關中佳氣近如何

第一關次聯句韻上邃菴先生

拂曙披雲到此關喜隨綦履望名山芙蓉半出青天  
外沆瀣中分白石間定有神功扶帝力豈須靈藥  
駐臣顏攀藟未覺行游倦細和新詩及暮還

望希夷峽

名山佳氣鬱嵯峨望裏風烟暗薜蘿萬疊春開青錦  
障一涼晴下白雲窩空將尸解傳茫昧自覺天工厭

琢磨夫子若無驢背笑陳橋誰識大風謠

華州卧病贈東四侍御二首

功成莫羨五湖遊河華山川已自優但使孤懷無染  
着不妨薄俗咲淹留相如抱病棲塵榻子晉吹笙醉  
玉樓三徑月移花影下歌聲猶伴彩雲流

小屋粧成貯越娃風流那許外人誇要將底事歸風  
馬故採新聲托歲華白社追遊東谷在青春尊俎北  
山賒明朝更欲西歸去握手相看及暮笳

夜抵鄠杜

城頭擊柝已深更烏鵲不飛河漢明入門祇覺意草

草空室無那蟲薨薨郎官愛客意徒厚野老見兒歡  
自生碧山學士燒燈至握手相談鷄亂鳴

趙使君後堂同東谷太微太華諸君子集

使君愛客宴閒堂客醉歌狂殊未央自笑狂言驚四  
座虛疑節序到重陽炎天過雨先銷暑美酒當筵  
論觴日日東征更踈濶贈予何惜遠遊童

荅希宋侍御雨中見懷

空堂雷雨送微寒愛汝修修萬竿安得雲霄乘羽  
翼暫過臺榭恣游觀園英帶濕先凝碧墻栢經霜始  
放丹游予悲秋愁作客君應花下卜新歡

樓觀二首

仙家樓觀俯層岑春色融融萬木陰檻外歌聲初宛  
轉寰中人事幾銷沉誰能問道尋幽谷我欲脩仙憇  
靜林本是無心名利客悔教髮華到如今

危樓迥對一峯孤哀壑平連萬頃蕪摩詰畫圖空掩  
映伯陽道德豈虛無西來澗谷漢馳道北去河山周  
故都風土不殊人事異誰將縣砮問司徒

九日同東侍御闔華州支倅於石橋郵亭集

九日西歸興欲飛黃花着眼尚依稀何須載酒歌清  
渭始是登高賦翠微落帽風流慚孟史挿萸詞翰咲

玄暉請看握手同歡處北鴈南鴻喜莫違

郭侍御於移山潭宴王侍御同東侍御集

龍池面面逐山開乘興張筵歷翠臺魚艇暗隨晴靄  
去鯨波巧趁暖風迴欲乘倒景躋危磴謾倚微醺坐  
古苔鮑謝不來風雅絕高吟今見郢中才

靈寶渡河峇餞送諸公

諸公愛我意無盡遠送河梁春未深銀塘初解柳垂  
線蒼巘乍晴鶯弄音野人素性在山水上客高情思  
詠吟後會還於小春定誰擬畫圖開竹林

雨中獨坐邀南川過東堂小酌

二十年來間別深白雲空望太行陰銀臺誰識尚書  
履汾曲人傳翰墨林此日高堂開壽宴何時尊酒聽  
椎吟温公洛社流傳遠不及南庄笙鶴音

庄上獨坐

山中結屋俯崖陰種樹栽花旋作林豈有佳遊供客  
興但將幽賞豁吾襟篇章未領曹劉訣勲勩都非卓  
魯心百斛黃粳一盃酒微醺終日坐長吟

三月初九日過許西看牡丹二首

今日許西開牡丹携兒漉酒坐相看穠花漫識春風  
好密葉休為夜雨殘深院紫泥巢翡翠層樓朱檻宿

鵝鸞衰容任遣韶華逼幽抱常教酩酊寬  
年年高宴賞花天明日花開賞更偏昆弟總能吟五  
字兒童不必報三鱸匡時已獻賈生疏行樂何須盧  
女絃已促行厨烹玉鯉好隨佳節醉瓊筵

西園眺望

五月不來溪上游溪雲猶自伴溪流雖非給事茱萸  
泝絕勝郎官鸚鵡洲半頃稻花迷浴鷺萬株垂柳隱  
鳴鳩何當更挈同心者小酌微吟盡日留

初八日候諸公不至同岐東南川於泝西賞花  
各賦七言律二首

佳辰每作看花燕老去風流亦可憐黃閣於吾既  
分清谿同汝且隨緣紅英漫道辭枝下綠醕還期醉  
月邊千古豪華誰更在請將青鏡問韶年

卜築於茲三十春年來忙似宦遊人羞將白髮隨兒  
戲且向青山着此身海內賓朋一旦老林間風月四  
時新長吟何必如張翰短酌從他咲李紳

泝東宴集值風雷大作

遲日樓陰接遠空迴谿花柳益龍嵒池頭喜見波光  
綠泝上驚看落照紅萬壑冥冥龍送雨雙厓隱隱鶴  
鳴風凭欄自欲生吟思一瞬烟雲更不窮



彭麓山房答太微見候

君從二曲城西去我向雙厓月下歸夕日烟雲迷古  
寺晴天花柳映春暉嬌鶯過巘娟娟語乳燕衝波故  
故飛對景相思期痛飲憑君莫自惜羅衣

奉天逢錦夫望之汝公三君子

諸君並是風流客帶酒長歌我不如十載飄零渾一  
夢百年問訊祇雙魚詩篇尚憶同趨省組綬空憐共  
直廬白髮青袍吾獨老媿從揚子問潛虛

中秋

十年不見中秋月此夜清光倍可憐便擬開樽拚爛

醉何須徙倚待高天癡兒解字仍求賦野老聞歌更  
撥絃百歲韶華過已半肯教虛對曲欄邊

十月五日

一放丘園二十年年來筋力益非前敢煩學士徵賢  
疏復厠天官顛俊篇嘯傲已知多士鄙文章爭擬衆  
人傳方崢服食求生事此意遙聞倍報然

酬郿丞羅子

聞君習靜求山縣却愛山翁遠問予泉石有奇君信  
否風雲多態我何如閒居莫著潛夫論靜坐宜看老  
子書若道齊生是虛語武陵爭得見秦餘

山居

最愛山居幽興深  
竭來終日對芳林  
非關長孺辭優詔  
自是襄陽愛苦吟  
雨霽晚川烟漠漠  
月明春塢翠陰陰  
相將幸有柴桑叟  
漫興何須膝上琴

寄孫岐山

難兄不愧西臺史  
令弟優為赤縣侯  
往日名家無杜曲  
新來文獻有開州  
中丞已上旌賢疏  
百姓空思卧轍留  
後去若逢宣室問  
先將民事報宸旒

許西道中見落花示同遊三子

不信許西春已深  
落紅驚見滿芳林  
可憐二月風兼

雨那得千壺賞  
更吟此語同漫興  
他時佳節想登臨  
夕陽似識山翁意  
亦放明光出翠岑

試筆

石室棲遲近十年  
老人虛擬洞中仙  
平生畏暑非耽寂  
老去便幽及類禪  
霜斂小桃猶有箇  
風翻細草若生烟  
襟懷落拓原無為  
祇愧當時抱甕賢

即事

夕日登臨雨乍晴  
水光山色益縱橫  
何須梵伎調銀甲  
自有仙人吹玉笙  
萬里相思無雁至  
一年蕭瑟有詩成  
東籬又報黃花發  
悵望空堂蟋蟀鳴

三原拜馬處士丈

門前翠竹上干霄  
院內青松色未凋  
種樹年年收棗栗  
看山日日伴漁樵  
明時不作河陽尉  
樂歲聊為汜上謠  
鶴髮青藜真自得  
瞻依寧惜馬蹄遙

華州夜坐

野寺昏鍾隔翠林  
山城欲雪晝陰陰  
客邊命酒愁難破  
夢裏思鄉怨亦深  
錯以詞章違素志  
漫將閒暇愜初心  
誰言未是山林骨  
一觸風塵自不禁

華州逢焦視遠還蓋屋

客裡相逢雨雪時  
壯遊歸去意俱遲  
看花已負登高

約地璞空懷失路悲  
北極風雲應待爾  
西州豪俊更為誰  
青尊無限別離意  
何日書來慰我思

華陰同李侍御望嶽

層樓望嶽翠岩堯  
晴日曛隴雪漸消  
秀麗永為三輔鎮  
巍峩長作四方標  
神光日日扶洪化  
靈氣年年翊聖朝  
款共高真尋白帝  
冷風何事向人彫

陝州望平陸

隔岸依依見戍樓  
滿天飛雪動鄉愁  
雲山咫尺分三晉  
郡縣蕭條滯一郵  
刺史已非龔渤海  
郎官誰是魯中牟  
朔風日日催行色  
安得從容望遠遊

謝宗易雨中之作

雨過涼生客到稀  
小窓依約有殘暉  
當軒喜見踈簾  
靜透戶驚看社燕飛  
隊逐喧喧免弄艇  
遶簷匝匝竹  
稍靡新詩欲報非  
才思冒雨衝泥此願違

李宗易亭子

君家亭子接昆明  
曲檻回簷画不成  
最愛薰風吹座  
入偏宜好鳥向人鳴  
池頭綠樹涵波影  
砌外青藜帶  
雨聲睡起題詩閒  
視艸却疑身在錦官成

二十一日與吳二小集

二十年前曾賴君  
病軀愁忍不堪云  
何當一別看俱

老再涉多虞事  
豈聞樽酒西堂歌  
舊曲藍輿東泝坐  
微醺明朝我欲華  
山去渭水迢迢接  
暮雲

寄蔡承之

十年不見蔡中郎  
空辱音書寄草堂  
累幅總憂嗣續  
事百年那慰別離腸  
還卅有訣無心鍊  
近事多虞祇  
自傷何日同遊滄  
海上却將往事咲  
荒唐

對山集卷之十五

康對山先生集卷之十六

七言律詩

送空同子還山

相逢復去豈不惜  
柰爾翩翩羽翰長  
青春辭闕意無限  
皓首著書情未央  
柳色全歸燕子日  
菊花偏發野人鄉  
紅塵亦有思歸者  
莫道雲山踞渺茫

聞仇將軍進伯

將軍勇略今所無  
潛誅兇孽靖邊隅  
自慙功成無厚賞  
詎意事定有大敷  
千年幸不作囚虜  
一旦即能垂畫圖  
猶有長安曹鎮守  
聖明何日放歸湖

醫官家兄同太學舍姪携酒過滸西山房

醫官提舉新乘暇太學諸生偶在鄉共轡到來俱送  
酒通宵歡飲又何妨沿溪旋捉魚偏好就砌新挑蕨  
正香醉卧茅階醒復醉漢陵隋闕總茫茫

日暮登唐山

幽居無事客來稀獨上高峰歎落暉將相往時誇丙  
魏瘡痍何日靜郊畿溪雲耿耿來還去野燒層層顯  
更微五字便如陶謝手一生終媿侍臣衣

西城雪霽

鷄鳴喔喔望孤城星斗滿天初雪晴三月荼蘼已欲

爛九日茱萸那得生關外豺狼正吞噬山南戈戟益  
縱橫冥冥未歇千里日落落空含一飯情

荅王子衡

一別那堪又六年相逢相餞轉凄然返耕我異陶彭  
澤治吏君過韓穎川碧巘喜回千里色青驄好去九  
峻天從來戡定須豪傑早為黎民解倒懸

和仲木底張道中之作

李白乘春過向予岑參緣客亦傳書眼前物色近俱  
好身外愁懷新更除盃酌同君紆野况烟雲隨我卜  
郊居唐山武水猶堪賦何日重來問草廬

荅朱升之

白酒黃鷄蒲更新汴東今日有高人孤雲杳杳崑山  
麓鳴雁嗶嗶向水濱微醉漫歌恒薄暮幽懷長咄動  
經春隨時頗覺風塵冗習靜寧嫌虎豹隣  
有懷凌谿子

一代風流不數人偶然相見即相親才如管樂應無  
敵詩似曹劉更有神旌節幾時廻北地逢迎終日望  
西秦明珠白璧君休惜還望重來細討論

醉後與符上玉坐汴西別業

與子相逢願不違烹鷄漉酒遲殘暉山朶着花小猶

爛河柳垂條柔更依共覩芳春當盡醉細尋勝地莫  
空歸蘭亭後襖真吾事明日還應歷翠微

荅何仲默見寄

罷棄自非明主意還耕仍幸此生餘異鄉擾擾方戎  
馬惡俗悠悠况爾予習靜元鄉先有宅匡時伊陟未  
收書君憂臣辱由來遠笑我秋山已隱居

楊子別業洞中

楊子年來樂隱居洞中收盡古人書長歌短詠誰能  
侶幽賞高談我不常以尊壘歡野客不將筆札惱  
公車世情物態皆能曉爭肯臨淵更羨魚

夜同李給事覽眺楊子別業巖谷

玉宇星光接絳河蒼山佳勝益嵯峨前峰隱見雙龍  
曲後谷盤旋萬鷺渦羨爾能開蔣詡逕嗟予未知楚  
狂歌松陰眼底成千畝何得秋風日數過

徵酒隣翁兼呈隱居諸子

聞道南陽縣已屠甘泉榆塞盡防胡殊方戰伐無虛  
日此地生靈猶坦途不寐夜中看太日有衣隨處典  
青蚨知尔近酷黃菊甕好携同我飲鷄雛

寄張汝霖

憶昔同看上苑花如今飄泊各天涯君膺節鉞紆籌

策我托山林戀物華郭老亦終服虜邵生無技但

鋤瓜音書闕畧相思切從心星河望使槎

送王士英

三年作縣極風塵兩過長安問我頗德化應同程伯  
子恢寃真似許清臣高才本為昌時出異數難同鄙  
俗論青鎖烏臺俱得意官輸吏索絕愁人

四月十七日予在解梁夢北山子是日北山子

初度

踪跡年來歎影泊此身何事又天涯思君已自繁雙  
淚念我同誰坐萬花匍匐幸完兒女事風流空博世



俗誇計程下瀚方西邁此日何能贈九華

寄東氏兄弟

再別荀龍已七年窮冬一見興翩然開軒酌酒意無  
盡列妓鳴絲宵可憐華髮總輸新歲月春風仍識舊  
山川相逢頃刻相離遠不及天邊雙白鴛

田園慢興

新春自課田園事稚子牽衣看柳條嫋嫋露枝將欲  
發依依雪片未全消平原命駕看山久別墅開尊賞  
酒遙爛醉不知明月上東風有意向人飄

送蕭汝勤

關西文學故知名渭北親交更有情獻策未收王粲  
譽論詩已似項斯青春雲覆檻晴猶濕午雪搏風暖  
更輕此夕同君暫相賞明朝何處覓虞卿

戲文浮山

一日逍遙盡室飢老來辛苦更緣誰交情輕薄世途  
澁古道寂寥人事非即有隣翁能貰酒須知短髮已  
成絲青缺母子無消息莫信相逢勝昔時

寄近山尚書

城南樓子俯晴郊樓北虛亭燕作巢山水遙當立壑  
盛風烟遠接水泉交幾時再到重呼酒它日還期更

結茅別後春花又秋月不堪人事日膠膠

戒裝

定以明朝訪漢陂美人清興世誰知山連紫閣周圍  
好路入白雲遠近奇稅駕直拚秋色盡卸盃須過菊  
花時生涯爛醉誰拘束阮藉劉伶是我師

命酒

積雨已晴秋事闌笑而不言看碧山雲霞乍散眼還  
開泉石初臨心更閒獨酌微吟情自適歸牛去馬意  
相關呼童更作婆娑舞絕勝王家雙翠鬟

有客

有客相邀入酒家桃蹊竹徑亦堪誇門迎斜日迷歸  
鳥檻過輕霜散落花對月總欣盃泛蟻聞歌偏惱堞  
鳴笳堆盤何必銀絲贖遣興今移長者車

遣興

空堂風雨日相催老景陰晴絕可哀抱病漸於詩律  
廢緣愁常是接籬頽胡奴撲棗衝泥去野客供薪冒  
濕來黃菊青藜終寂寞綠醅碧椀為誰開

晴

秋來一雨乃許長半月何曾瞻日光千家落落有誰  
好四壁寥寥唯土香今朝晴霽喜欲倒後去柴薪須

自防階前飽濕水不滲雲氣彷彿如瀟湘

再寄李承裕

寶昌為別動經秋世道蕭條常百憂經畧君從西土  
去安危誰為北門留狗偷鼠竊中原劇女課男徵萬  
井愁制帥安時饒計策筦絃終日醉南樓

再寄李夢弼四首

李子文章我所無清秋相憶轉蓁蕪  
因潦倒停詩句不為佯狂學酒徒  
幾夜夢魂同笑語常時書札枉  
郊墟西風落日思君處愁對亭西雙翠榆

富貴浮雲是我心狂歌縱酒近逾深  
欲將氣節高天

地肯使行藏愧古今物色便能勤紫極  
夢魂爭肯出青林此曹嘖嘖還相污  
不報任安自不禁

子厚原曾附叔文野人何以愧朱雲  
十年肯說升沉事一旦真為玉石焚  
幸尔優游歸舊壠即須慷慨待  
餘曠英雄本屬男兒志失踞悲歌非所聞

平泉消息近應多往歲曾通一使過  
鴻鴈影寒君念否青雲氣盡我如何  
愁長謾對茱萸酒思極還為懊惱歌  
瑋碗金波雖適意姚江歸去亦婆娑

醉後

此日悲秋強自寬年時伏枕不曾歡  
芙蓉映水枝枝

直楊柳驚風簇簇殘空有小姬能送酒却無高興只  
凭闌蜃樓海市朝朝異始信人間行跡難

雨中同于鵬夜坐

煖泉一別又經年惆悵當時盧女絃宴罷衝泥吾獨  
去酒酣拂劍子誰憐今來喜值清秋月後會應無白  
露天細雨孤燈休更睡與君同賦白鳩篇

寄明叔

聞君課最神京去大約當於八月天人事已無囊裏  
白世情誰識甌頭玄諸公偃仰俱休暇賤子憂虞獨  
黯然明日南來須問訊期君同扣九華篇

南齋

南齋獨坐雲漸開地亦拭琴書謝酒杯幽人遺世有佳  
况狂客哀時無俊才寂寞愁看王粲賦風流喜上葛  
洪臺畋漁自足浮生事貧賤何心厭草萊

初度日

今年忽報四十五七十還饒廿五年賓客酒尊嘗漫  
興山林佳氣正無邊朱絃欲度陽春曲碧樹先張翡  
翠筵誰道猖狂如阮籍逍遙已負漆園篇

北山中丞過訪喜聞近山尚書消息

尚書何事避吾廬水北山房訪隱居豈為主人憂濁

堂山集卷之六  
酒定愁關吏扣中車新詩卷裏吟須滿舊約年來半  
已虛珍重西堂秋月上金波綠液細躊躇

懷北山子四首

雨中閒坐數交遊豈弟誰如君獨優愛客由來輕尺  
璧閒居那肯揖諸侯堂開寶穡虛千石戶揭明農已  
十秋恨不層軒終日對烹茶漉酒慰離憂

前年同作碧山遊紫閣圭峯觸處優勝地總輸中執  
法豪家應笑武安侯虛堂鼓瑟龍潭晚絕壁傳杯燕  
麥秋已辦肩輿重過訪鏡中華髮莫須憂

西湖誰羨子瞻遊王屋今於阮氏優既有濁醪當入

口那知竒骨不封侯眼前筋力全非昔鏡裏容華

已秋水北山房風月地會須日日坐銷憂

老來不作帝京遊事定方知故里優七貴何如湖海  
客三良爭似醉鄉侯雙鬟解作巴渝舞短笛須乘蘆  
荻秋山寺風煙徒夢想相逢未去是吾憂

永壽王小山宴集

二十年來別帝都長安今見汝陽舖花前小飲來仙  
醴月下徵歌喚玉奴誰挹蛟龍眠桂窟我隨笙鶴上  
蓬壺明朝有約如相憶但向雲間望白榆

元日

今日老夫添一年堂前稚子舞翩翩  
總教華下髮映碧盞且吸金波鳴素絃  
玄武誰裁五色詔青鸞我愛百花  
天南山采藥東山醉不信蓬萊更有仙

十七日早晴呈長洲家叔惠懷舍弟德充

令節空過又一年半能癡豈須圓陰晴大抵無前  
筭顯晦分明托三天已拂朱絲翻逸譜好共綠酒慰  
華筵嘉州不久應歸至骨肉從今賞更偏

作屋

彭麓新開十畝陰茅堂結構喜深沉  
聊為野客追遊地敢擬名都翰墨林  
老去盡將書卷廢秋來惟聽脊

鷓鴣吟修篁叢菊隨吾意濁酒清尊盡日斟

破悶

雨劇窮秋傷客心重陽何處可登臨  
堦前碧草垂垂細檻內黃花疊疊深  
便有隣翁相對飲即無野客促行吟  
可憐事異陶彭澤短笛長簫更不禁

馮秀才為予畫像成姜明府携酒見過

老去衰容畫易成踈慵空自羨餘生  
敢勤仙令過相問切愧山人乏款迎  
白髮未從圖上識朱顏先向鏡中更  
多情惟有雙筇杖日日相將泝上行

岐東亭子謝諸公飲餞二首

城東亭子勞相送楊柳含風巧趁晴節物於人豈無  
意尊壘當此合須傾秦姬並奏陽關曲洛女爭為戲  
馬行莫道尚餘山寺約春風三月更尋盟  
郵亭酒暖鬱金香舞伎釵亘翡翠粧老境風流須忝  
謝長天笙鶴謾思王蒼山不掩芙蓉色碧澗爭浮蟾  
竦光醉擁籃輿吾欲去相思空憶德星堂

得粹夫書

十七年來間別情三千里外惜群鳴開緘不覺懸雙  
淚欲見還知隔一生王屋空聞小酉宅終南今作漢  
陂行舊時多少雲霄客屈指何人記昔盟

看山草堂同東谷子閑坐二首

幾年不作槐安夢日日同君吟草堂老去風流君自  
得新來遊賞我誰妨蒼山故喜粗豪客碧枕何須窈  
窕娘修竹轉青梅欲破絕勝橫笛詠滄浪

草堂東望事偏幽野客相過樂事稠豈有雄文藏翠  
壁幸分餘席向丹丘青排山色來書榻雲接嵐光入  
郡樓白馬金銜煩借問五侯歌舞幾時收

對雪簡東谷先生

小亭獨坐思悠然雪嶂遙看插遠天童子謾供秦地  
酒佳人誰出廣陵絃泥途歲月憐工部勝地風流想

惠連安得與君重握手深杯徐醉碧窓前

華州逢初度荅用昭

華州此日逢初度客邸風光殊未央  
姻館賓朋親押座甥家兒女競稱觴  
高真盡跨青鸞至仙侶俱乘彩鳳翔  
身世誰言過半百尚看海水變田桑

寄陳文相憲伯

十年慢憶陳夫子隔歲相逢信不虛  
一別正須勞夢寐三軍自許得吹噓  
驕胡敢恃連環騎神武何須伏道車  
廷議早聞徵少伯東歸幸訪白雲居

除夜與德充陪王中丞惟忠宴東堂聞事有感

中丞問俗夜過予令弟探杯語笑徐  
嗣歲陽春先到否邊方戎馬近何如  
但須豐稔酬皇德不必艱關動使車  
聞道河西新得利憑誰早上太平書

二日同德充德一拜東原先生

聯毓東上古邠原雪際依稀見竹門  
靖節自求三徑樂黃公不愛百家村  
初年總角趨函丈此日浮名盡溢恩  
已見書香歸令子還看光範及諸孫

許西宴二首

三月三日開杏花春郊微雨濕融沙  
晴看翠篠翻風細醉挿朱英壓帽斜  
黃鳥過雲柔弄語白鷗掠水曲



穿涯細推物理堪乘興何必崑崙問十槎  
草堂鬱鬱俯春川花塢追遊已十年吟事總輸姚著  
作金箋何必李龜年歌翻往日棲烏出四饌出前溪縮  
項編幸有諸君俱蘊藉相將那惜酒如泉

符園對月

月上君家桃李園笙歌好醉碧雲軒  
只憐極目花尤爛莫計催人夜已昏  
林影照杯金瑣碎  
蟾光穿座玉飛翻  
人生對此應行樂歸去何妨臥席門

王明叔東谷草亭

子居東谷吟朝日柰爾猶多芳草心  
盛一世獨崇文學

吏衰年休簿大夫簪浮雲不必疑宵漢  
光燄何嘗礙磴林好待中書公事畢  
共乘玄鶴到瑤岑

贈王念覺

彭麓相過忽四年春風劍佩又朝天  
離亭不得同沾醉槃谷何時更促絃  
赤驥躡雲輕萬里蒼龍含雨倏千川  
乘時好試經綸手莫負南薰第一篇

壽張舍人父封君

仙郎函詔下金門綵服龍章見溢恩  
甲子再逢當盛日箕裘相紹又賢孫  
人生適意行俱樂神理綏和道益尊  
遙憶錦堂開宴處天香喜氣兩氤氳

莊上獨坐

野老茅堂蔭竹陰  
曉風晴日散芳林  
方塘半畝杏花亂  
曲徑一條蒲葉深  
行樂遠酤村市酒  
幽居近識廟堂心  
魚簑牧笛終身計  
雪鬢蒼髯再任汝侵

三月三日獨步游西寄北山

獨步游西間杖藜  
巖花墻杏意淒淒  
兒童解事呈新醲  
院宇無塵識舊題  
雲過碧溪春自老  
鶯啼幽樹意如迷  
微吟淺酌全吾道  
想汝翩翩彩鳳棲

登山

攀蘿直上西峯頂  
策杖遙看太白尖  
空有雲烟護靈

窟獨無鸞鶴  
詣仙崦深春嶺  
樹初含籜夏苦日  
岩藤乍弄纖神藥  
未成吾欲老  
誰將花甲問師詹

甲午元日

六十年來衰可憐  
耳聾頭禿興依然  
祇緣嗣續翻同俗  
欲就刀圭豈在天  
人事紛紛他自異  
幽懷耿耿客空傳  
小姬壓酒聊成醉  
漫愧莊生秋水篇

送于瑩中都憲

旌旂東下燭民幽  
節鉞西移見大猷  
關內獨當天下劇  
雲中誰抱杞人憂  
群公經畧雖殊昔  
聖主憂勤尚未休  
邂逅長安聆至論  
如公方是濟川儔

送崔懋言參政

東臺握手挹清芬西墅傳杯愜素聞在昔吳兒知叔  
子于今關吏笑田文和風膏雨行俱潤白日青天久  
自分若見難兄煩寄問岱屏靈氣日氤氳

醉贈劉遼州靳成都吳新鄉

四十年前同奮翼桑榆歲月又俱長芳春若恠看花  
約佳節空憐貰酒狂山色周圍開綺障鶯聲遠近奏  
笙簧休休景物須行樂合醉東皇廿四場

寄西河易中丞

中丞節制得沂公頓覺人趨渾噩風至治須永漢長

厚民情空望古顓蒙關西十載承餘福江表三年見  
極功春首俄傳書札問渾如警款對文翁

送石門行邊北還

使相行邊聖意勞炎蒸萬里下臨洮一人自恤邊關  
苦九鎮爭馴虎豹韜拊髀莫須思頗牧揚謨先已望  
夔臯昇平有慶明良遇欲頌昇平愧俊髦

次荅石門相國二首

列陣迎 恩介胄雄赭袍遙映塞雲紅武臣敵慨餘  
虓虎 聖主憂時起卧龍天上使星臨闔外斗間紫  
氣照關中長城萬里今增重不數平淮一綫功

其二

憶昔聯鑣賦卿雲那看一別竟長分向時狂斐承  
天佑此日優遊托 聖君過問獨勤師相意揚休安

用野人文神京王氣三台接日日隆從見紫盃  
九日風雨予亦抱病奮然有作

莫嗟風雨妬重陽五柳先生亦在鄉不分黃花終寂  
寞但歌白雪自徜徉呼童謾學龍山舞喚妓仍為滸  
曲裝人事天時空作惡詎然回得老夫狂

對山集卷之十六

